

Tɔne alate keŋ Gyɔn be ɲmarase nɛ

¹ Maŋ ε kegyia Gyɔn ne ɲmarasena tɔne kei mee yelee εmεε Kristotena baŋ ε kyaa botɔɔ nɛ. Mεε gyae ε nombia nideli lee me koŋɔ man. Mɔna na maageŋ ne gyae na ε nombia mena ya, baŋ pou ba gyeŋ anokoare keŋ Wurubuare ba lese wola nɛ mɔ ne gyae ε nombia.

² Anokoare keŋ doo de man nɛ dɔɔ te dεε gyae ε nombia mena. Mena anokoare kei gyae ke doo de man kekpa.

³ De kεε yεε kpene keŋ Wurubuare ne gyae te dεε gyae dɔŋa mɔ nɛ, de kya Wurubuare na ɔ bu Yesu Kristo baa mo be bεrεε boele daa na baa wii de waraŋase na baa fa daa wosefεereŋ.

Anokoare na kegyae

⁴ Dana maŋ gyɔŋ nideli ɲgba mɔɔ naa ε man baale ne sila anokoare keŋ, ɲgba mena keŋ de kya Wurubuare ɲon ba wola daa nɛ.

⁵ Kristotena, mεε waase ɲon bo ε yela dεε gyae dɔŋa. Kei te yεε nyi mmaraa wole yaa mεε ɲmarase mee yelee ɲon ya. De wulaa da gyeŋ mena mmaraa kei lee debaŋ keŋ dɔɔ lεε Kristo di nɛ.

⁶ Wurubuare kegyae gbagba yena ɲgba dee di ɔ mmaraase dɔɔ. Wurubuare mmaraa keŋ ɔ be fa daa lee kewalaŋ keŋ yena nyi dεε gyae dɔŋa.

⁷ Akerεstena burum te yaasee gyoo tεele keŋ dɔɔ te be dɔŋεε bεε beo balan. Be dɔŋεε bεε

yako nyi Yesu Kristo ta bese deniwalaŋ kɔŋ tɛɛle kei doo ya. Walaŋ kamase ŋon ɔ ne yako mena nombia keŋa dinoo na ɔ yee Kristo kolare dekarate ŋon walaŋ e.

⁸ Mena doo ε deke ε wose nideli, na kpene keŋ doo ε ne sila Wurubuaɛ ne ba lee ε nyinmaa man ya, na Wurubuaɛ kenyiŋ to ŋon kom pou.

⁹ Walaŋ ŋon ɔ bee sila nombia ŋan Kristo ba wolo ne ŋaagen ya te ɔ na mo ɔ wui ŋaale kpu ne, na ŋon na Wurubuaɛ be taŋ noodokolon ya. Te walaŋ ŋon ɔ ne sila nombia ŋan Kristo ba wolo ne ŋaagen na, ɔtenate na de kya Wurubuaɛ na ɔ bu Yesu Kristo dana noodokolon.

¹⁰ Mena doo akpaa ŋolo de kɔŋ ε gyaŋ te ɔ na wola kawola daale keŋ ke yee kpoo lee keŋ Kristo ba wola daa ne na, ε na lee ɔtenate see ε gyaŋ ya te ε na do e noo gba ŋgba Kristo walaŋ ne ya.

¹¹ Walaŋ kamase ŋon ɔ lee e na ɔ kpue na e ɔ nombiakumεε keyεε man.

¹² Me dana nombia burum maa yako ŋon, mona me bee gyae maa ŋmarase ŋa yele ŋon ya, nawolo nyi me loo doo nyi maa kɔŋ kaa naa ŋon na deε kyaa kolosi. Keŋ ne gyae la ke yela dee di gyon nideli.

¹³ ε tebia Kristotena baŋ be kyaa kebo ne na do ŋon noo nideli.

**WURUBURE NOMBIA KPAAKPAA
NŌŌKEBAKESEE WŌLE**
The New Testament in the Delo language of Ghana:
**WURUBURE NOMBIA KPAAKPAA NŌŌKEBAKESEE
WŌLE**

copyright © 2006 Wycliffe Bible Translators, Inc.

Language: Delo

Contributor: Wycliffe Bible Translators, Inc.

All rights reserved.

2025-05-17

PDF generated using Haiola and XeLaTeX on 11 Jun 2026 from source
files dated 17 May 2025

80e9f745-c10c-5e3f-94bb-9d65aa1a1b11